



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-421/23-I
Brčko, 28.02.2023. godine

Z A P I S N I K
sa 244. sjednice Pravosudne komisije Brčko distrikta BiH
održane 28.02.2023. godine, u 08,30 sati sa slijedećim

Dnevni redom

1. Usvajanje zapisnika sa 243. redovne sjednice Pravosudne komisije Brčko distrikta BiH
2. Inicijativa za izmjene i dopune Zakona o Pravobranilaštvu Brčko distrikta BiH
(izvjestilac: Dejan Đurović)
3. Davanje mišljenja na prijedlog dopune Zakona o Sudskoj policiji Brčko distrikta BiH
(izvjestilac: Dejan Đurović)
4. Davanje mišljenja na Nacrt Strategije razvoja alternativnih načina rješavanja sporova u Bosni i Hercegovini
(izvjestilac: Dejan Đurović)
5. Davanje saglasnosti na Odluku o izmjeni Odluke o imenovanju Komisije za odabiranje arhivske građe i izlučivanje registratorskog materijala u Osnovnom sudu Brčko distrikta BiH
(izvjestilac: Dejan Đurović)
6. Žalba B. M., protiv odluke Komisije za zapošljavanje o izboru najuspješnijeg kandidata, broj: SuPK-M-01-125/22 od 10.01.2023. godine
(izvjestilac: Dejan Đurović)
7. Žalba M. S., izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-1477/22-I od 11.01.2023. godine
(izvjestilac: Dejan Đurović)
8. Žalba M. S., izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-209/23-I od 30.01.2023. godine
(izvjestilac: Dejan Đurović)
9. Donošenje Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH
(izvjestilac: Dejan Đurović)
10. Davanje mišljenja o zahtjevu sudskih izvršilaca za uvođenje predujma
(izvjestilac: Dejan Đurović)
11. Donošenje odluke o imenovanju Komisije za spašavanje registratorskog materijala i arhivske građe u slučaju vanrednih prilika u Pravosudnoj komisiji Brčko distrikta BiH
(izvjestilac: Dejan Đurović)
12. Imenovanje Komisije za zapošljavanje po raspisanom javnom konkursu, broj: SuPK-01-201/23-I od 30.01.2023. godine
(izvjestilac: Dejan Đurović)

13. Donošenje Odluke o imenovanju Huseina Džafića, na radno mjesto sekretar Pravobranilaštva u Pravobranilaštvu Brčko distrikta BiH
(izvjestilac: Dejan Đurović)
14. Donošenje Odluke o imenovanju Olivere Ilić na radno mjesto Viši stručni referent jednošalterskog sistema u Osnovnom sudu Brčko distrikta BiH
(izvjestilac: Dejan Đurović)
15. Donošenje Odluke o prestanku radnog odnosa službenika Olivere Ilić, operateru-upisničaru predmeta registracije poslovnih subjekata u Osnovnom sudu Brčko distrikta Bosne i Hercegovine
(izvjestilac: Dejan Đurović)
16. Donošenje Odluke o imenovanju Milana Stokića na radno mjesto referent-operater-asistent u Osnovnom sudu Brčko distrikta BiH
(izvjestilac: Dejan Đurović)
17. Donošenje Odluke o imenovanju Semrine Hasanović na radno mjesto referent-operater-asistent u Osnovnom sudu Brčko distrikta BiH
(izvjestilac: Dejan Đurović)
18. Zaključivanje ugovora o radu sa Šeilom Brković, higijeničarom u Pravosudnoj komisiji Brčko distrikta BiH
(izvjestilac: Dejan Đurović)
19. Zaključivanje ugovora o radu sa Selmom Šabanović, higijeničarom u Pravosudnoj komisiji Brčko distrikta BiH
(izvjestilac: Dejan Đurović)
20. Donošenje Odluke o prestanku radnog odnosa Olji Klašnić, pripravniku u Tužilaštvu Brčko distrikta BiH
(izvjestilac: Dejan Đurović)
21. Rang lista sa preporukom za izbor referenta-operatera-asistenta u Osnovnom sudu Brčko distrikta BiH
(izvjestilac: Dejan Đurović)
22. Rang lista sa preporukom za izbor predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH
(izvjestilac: Dejan Đurović)
23. Donošenje Odluke o broju volontera koji se primaju u pravosudne institucije Brčko distrikta BiH u 2023. godini
(izvjestilac: Dejan Đurović)
24. Javni poziv za prijem volontera u pravosudne institucije Brčko distrikta BiH
(izvjestilac: Dejan Đurović)
25. Donošenje Odluke o isplati naknade Disciplinskoj komisiji za rad u mjesecu januaru
(izvjestilac: Dejan Đurović)
26. Donošenje Odluke o isplati naknade Disciplinskom tužiocu za rad u mjesecu januaru
(izvjestilac: Safet Pizović)
27. Molba za pomilovanje osuđenog Osmana Sejdinovića
(izvjestilac: Dejan Đurović)
28. R a z n o

PRISUTNI SU:

1. SAFET PIZOVIĆ, predsjednik Komisije,
2. MIRSAD ĆEMAN, potpredsjednik Ustavnog suda BiH, putem telefonske veze,
3. DAMJAN KAURINOVIĆ, predsjednik Apelacionog suda BD BiH,
4. ZEKERIJA MUJKANOVIĆ, glavni tužilac Tužilaštva BD BiH,
5. VELIBOR JAKIĆ, član Komisije iz reda građana.

Sjednica počela u 08,40 sati.

Konstatuje se da sjednici prisustvuje pet članova, te da su opravdano odsutni članovi Dragan Tomaš, predsjednik Osnovnog suda Brčko distrikta BiH i Ilinka Gavrić, pravobranilac u Pravobranilaštvu Brčko distrikta BiH, te da sjednici prisustvuje i sekretar Komisije Dejan Đurović.

Predsjednik Komisije otvara 244. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza dosadašnje tačke 27. dodaju nove tačke 28. i 29. koje glase: „28. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH“ i „29. Razmatranje dopisa VSTV-a BiH, broj: 06-07-2-222-3/2023 od 22.02.2023. godine“.

Slijedom predloženih dopuna, numeracija tačaka se pomjera, tako da tačka Razno postaje tačka broj 30.

Član Komisije Damjan Kaurinović, je predložio da se razmatra i anonimna prijava neformalne grupe „pošteni građani Distrikta“ koju su zaprimili Apelacioni sud i Tužilaštvo BD BiH. Konstatovano je da se predložena tačka razmatra nakon usvajanja zapisnika.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 243. redovne sjednice Pravosudne komisije Brčko distrikta BiH

Nakon razmatranja zapisnika, konstatuje se da je zapisnik sa 243. redovne sjednice Pravosudne komisije usvojeni jednoglasno, bez primjedbi.

2. Anonimna prijava neformalne grupe „pošteni građani Distrikta“

Pravosudna komisija Brčko distrikta BiH nije zaprimila anonimnu prijavu neformalne grupe „pošteni građani Distrikta“ te nakon upoznavanja članova Komisije sa anonimnom prijavom, obrazloženja, izjašnjenja i provedene diskusije, konstatuje se da je Komisija jednoglasno zaključila da se anonimna prijava prosljedi disciplinskom tužiocu radi ispitivanja iste da li postoji povreda službene dužnosti i odgovornosti službenika, i portparolu Komisije radi ispitivanja da li postoji sukob interesa, odnosno da ispred svojih nadležnosti preduzmu aktivnosti.

Član Komisije, Zekerija Mujkanović je konstatovao da je u Tužilaštvu Brčko distrikta BiH povod zaprimanja predmetne anonimne prijave formiran spis i da će postupajući tužilac donijeti odluku.

3. Inicijativa za izmjene i dopune Zakona o Pravobranilaštvu Brčko distrikta BiH

Konstatuje se da je Komisija jednoglasno odlučila da se Inicijativa za izmjene i dopune Zakona o Pravobranilaštvu Brčko distrikta BiH skine sa dnevnog reda današnje sjednice te zadužuje Stručnu službu Komisije da se za sljedeću sjednicu pripreme smjernice za izmjenu Zakona o Pravobranilaštvu Brčko distrikta BiH, a u skladu sa provedenim diskusijama na sjednici, članova Komisije g. Kaurinovića i g. Mujkanovića.

4. Davanje mišljenja na prijedlog dopune Zakona o Sudskoj policiji Brčko distrikta BiH

Nakon obrazloženja i provedene diskusije, Komisija je jednoglasno donijela zaključak da se komandir Sudske policije Brčko distrikta BiH obavjesti da nema potrebe za izmjenom Zakona o Sudskoj policiji Brčko distrikta BiH, te da se odgovarajuće odjeljenje Vlade Brčko distrikta BiH, obavjesti o prijedlogu dopune Zakona o Sudskoj policiji Brčko distrikta BiH kako bi se preduzele aktivnosti na rješavanju ovog prijedloga.

5. Davanje mišljenja na Nacrt Strategije razvoja alternativnih načina rješavanja sporova u Bosni i Hercegovini

Nakon obrazloženja i provedene diskusije, Komisija je jednoglasno dala pozitivno mišljenje na nacrt Strategije razvoja alternativnih načina rješavanja sporova u Bosni i Hercegovini.

6. Davanje saglasnosti na Odluku o izmjeni Odluke o imenovanju Komisije za odabiranje arhivske građe i izlučivanje registraturskog materijala u Osnovnom sudu Brčko distrikta BiH

Nakon obrazloženja, Komisija je jednoglasno dala saglasnost na Odluku o izmjeni Odluke o imenovanju Komisije za odabiranje arhivske građe i izlučivanje registraturskog materijala u Osnovnom sudu Brčko distrikta BiH, broj: 096-0-Su-23-000615 od 14.02.2023. godine.

7. Žalba B. M., protiv odluke Komisije za zapošljavanje o izboru najuspješnijeg kandidata, broj: SuPK-M-01-125/22 od 10.01.2023. godine

Nakon obrazloženja, Komisija je jednoglasno donijela sljedeću

Odluku

Žalba B. M., izjavljena protiv odluke Komisije za zapošljavanje o izboru najuspješnijeg kandidata, broj: SuPK-M-01-125/22 od 10.01.2023. godine, odbija se kao neosnovana.

8. Žalba M. S., izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-1477/22-I od 11.01.2023. godine

Nakon obrazloženja, Komisija je jednoglasno donijela sljedeće

Rješenje

Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH, broj: SuPK-04-1477/22-I od 11.01.2023. godine, odbija se kao neosnovana.

9. Žalba M. S., izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-209/23-I od 30.01.2023. godine

Nakon obrazloženja, Komisija je jednoglasno donijela sljedeće

Rješenje

Žalba M. S. izjavljena protiv rješenja pomoćnika sekretara-portparola Pravosudne komisije Brčko distrikta BiH broj: SuPK-04-209/23-I od 30.01.2023. godine, odbija se kao neosnovana.

10. Donošenje Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH

Nakon obrazloženja i provedene diskusije, Komisija je donijela sljedeću

Odluku

I Imenuje se disciplinski tužilac i zamjenik disciplinskog tužioca za postupanje po disciplinskim prijavama i pokretanje disciplinskog postupka protiv službenika i nameštenika u pravosuđu Brčko distrikta BiH:

1. Dejan Đurović, sekretar Pravosudne komisije Brčko distrikta BiH, disciplinski tužilac
2. Mirza Bašić, stručni saradnik u Apelacionom sudu Brčko distrikta BiH, zamjenik disciplinskog tužioca.

II Disciplinski tužilac i zamjenik disciplinskog tužioca imenuju se na period od dvije godine i to od 05.03.2023. godine do 05.03.2025. godine, uz mogućnost ponovnog imenovanja.

III Disciplinski tužilac, a u njegovoj odsutnosti ili spriječenosti, zamjenik disciplinskog tužioca, ovlaštenu su da po prijavi organa, odnosno ovlaštene osobe, pokreću disciplinski postupak pred Disciplinskom komisijom, radi težih povreda službene dužnosti službenika i nameštenika u pravosuđu Brčko distrikta BiH, da izjavljuju žalbe na odluke Disciplinske komisije i predlaže rukovodiocu pravosudne institucije pokretanje sudskog postupka protiv konačnog rešenja. Disciplinski tužilac i zamjenik disciplinskog tužioca ovlaštenu su da preduzimaju i druge radnje da bi se utvrdile činjenice koje terete službenike ili namještenike ili idu u korist, a sve u skladu sa Zakonom o službenicima i namještenicima u pravosuđu Brčko distrikt BiH i Pravilnikom o disciplinskoj i materijalnoj odgovornosti zaposlenih u pravosuđu Brčko distrikta BiH.

IV Disciplinski tužilac i zamjenik disciplinskog tužioca, ukoliko se njihov rad organizuje van radnog vremena, imaju pravo na novčanu naknadu iznosu do 20% (dvadeset posto) od prosečne bruto plate zaposlenih u pravosuđu isplaćene u mjesecu koji prethodi mjesecu u kojem se isplaćuje naknada, sve u skladu sa Zakonom službenicima i namještenicima u pravosuđu Brčko distrikta BiH.

V Ova odluka stupa na snagu danom donošenja.

11. Davanje mišljenja o zahtjevu sudskih izvršilaca za uvođenje predujma

Nakon obrazloženja i provedene diskusije, Komisija je jednoglasno donijela zaključak da se uputi odgovor sudskim izvršiocima u Osnovnom suda BD BiH, da u Bosni i Hercegovini ne postoje uporedno-pravni zakonski okvir koji na cjelovit i sveobuhvatan način uređuje ovo pitanja i da trenutno ne postoji osnov da se ovakav vid novčane naknade (predujam) uvede sudskim izvršiocima u Osnovnom sudu Brčko distrikta BiH, odnosno da se svi vidovi naknada na plate regulišu isključivo Zakonom o platama i naknadama zaposlenih u pravosuđu Brčko distrikta BiH, koji je usaglašen sa ostalim zakomima o platama zaposlenih u organima uprave i javnim institucijama, a ovi zakoni ne predviđaju mogućnost isplate ovakve vrste novčane naknade.

12. Donošenje odluke o imenovanju Komisije za spašavanje registraturskog materijala i arhivske građe u slučaju vanrednih prilika u Pravosudnoj komisiji Brčko distrikta BiH

Nakon obrazloženja, Komisija je jednoglasno donijela sljedeću

Odluku o imenovanju
komisije za spašavanje registraturskog materijala i arhivske građe u slučaju vanrednih prilika

Član 1 (Predmet)

Ovom odlukom se imenuje Komisija za spašavanje registraturskog materijala i arhivske građe u slučaju vanrednih prilika (u daljem tekstu: Komisija) u sljedećem sastavu:

1. Rade Mitrović, stručni saradnik u Pravosudnoj komisiji – predsjednik;
2. Almira Pitanjaković, samostalni referent za finansije i računovodstvo – član;
3. Snježana Jokanović, službenik finansija i računovodstvene službe – član;
4. Nataša Kovač, sekretarica predsjednika/asistent – član.

Član 2 (Zadaci Komisije)

Komisija je dužna, u što kraćem roku u slučaju vanrednih prilika (prirodne nesreće: poplava, požar, zemljotres, kao i nesreće koje prouzrokuje čovjek: sabotaza i oružani sukob):

- skloniti ugroženi registraturski materijal i arhivsku građu na sigurnom mjestu u skladu sa nastalim vanrednim prilikama,
- sačiniti zapisnik o provedenim aktivnostima u datim okolnostima,
- po prestanku navedenih okolnosti i nakon stvaranja propisanih uslova za odlaganje registraturskog materijala i arhivske građe, istu vratiti na odgovarajuće mjesto u arhivski prostor,
- pismeno obavijestiti nadležni Arhiv o nastanku vanrednih prilika i postupanju u tim prilikama bez odlaganja.

Član 3 (Organizacija rada Komisije)

- a) Komisija je dužna izraditi Uputstvo za postupanje u spašavanju registraturskog materijala i arhivske građe, kojim će se detaljno opisati na koji način i gdje će Komisija skloniti registraturski materijal i arhivsku građu u zavisnosti od vanrednih prilika, a prema instrukcijama Arhiva Brčko distrikta BiH.
- b) Komisija će obavljati poslove i zadatke spašavanja registraturskog materijala i arhivske građe u vanrednim prilikama i radiće bez naknade, osim ako se radi van radnog vremena, kada će za svoj rad primati naknadu u skladu sa Zakonom o platama i naknadama zaposlenih u pravosuđu u Brčko distrikta BiH.

Član 4 (Stupanje na snagu)

Ova odluka stupa na snagu danom donošenja.

13. Imenovanje Komisije za zapošljavanje po raspisanom javnom konkursu, broj: SuPK-01-201/23-I od 30.01.2023. godine

Nakon obrazloženja i provedene diskusije, Komisija je donijela sljedeću

O D L U K U

o imenovanju komisija za zapošljavanje po javnom konkursu broj:
SuPK-01-201/23-I od 30.01.2023. godine

I Imenuje se Komisija za zapošljavanje Referent za unos dokumenata u Osnovom sudu Brčko distrikta BiH (na neodređeno vrijeme), u sastavu tri člana:

1. Nebojša Savić, predsjednik,
2. Mirela Azapović, član,
3. Smajila Kikić, član.

II Imenuje se Komisija za zapošljavanje Predsjednik Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH (na neodređeno vrijeme), u sastavu tri člana:

1. Dragan Tomaš, predsjednik,
2. Zoran Rakanović, član,
3. Smajila Kikić, član.

III Imenuje se Komisija za zapošljavanje Arhivar-operator u Kancelariji za pravnu pomoć Brčko distrikta BiH (na neodređeno vrijeme), u sastavu tri člana:

1. Safet Pizović, predsjednik,
2. Vanja Krndelj, član,
3. Dragana Vuković, član.

IV Imenuje se Komisija za zapošljavanje Stručni saradnik u Tužilaštvu Brčko distrikta BiH (na određeno vrijeme, radi zamjene odsutnog službenika), u sastavu tri člana:

1. Zekerija Mujkanović, predsjednik,
2. Damjan Kaurinović, član,
3. Velibor Jakić, član.

V Imenuje se Komisija za zapošljavanje Pripravnik u Tužilaštvu Brčko distrikta BiH (na određeno vrijeme – do sticanja uslova za polaganje pravosudnog ispita, a najduže dvije godine), u sastavu tri člana:

1. Zekerija Mujkanović, predsjednik,
2. Pavo Radoš, član,
3. Vladimir Tepavčević, član.

VI Imenuje se Komisija za zapošljavanje Vozač-kurir u Tužilaštvu Brčko distrikta BiH (na neodređeno vrijeme), u sastavu tri člana:

1. Zekerija Mujkanović, predsjednik,
2. Pavo Radoš, član,
3. Vladimir Tepavčević, član.

14. Donošenje Odluke o imenovanju Huseina Džafića, na radno mjesto sekretar Pravobranilaštva u Pravobranilaštvu Brčko distrikta BiH

Nakon obrazloženja, Komisija je jednoglasno donijela sljedeću

Odluku
o imenovanju

Za „sekretara Pravobranilaštva Brčko distrikta BiH“ imenuje se Džafić Husein, sin Mehmeda, iz Orašja, na mandat od 4 (četiri) godine.

Imenovani je dužan stupiti na dužnost dana 06.03.2023. godine.

Stupanjem na rad imenovani se svrstava u IX (deveti) platni razred, 4 (četvrti) podrazred, koeficijent 4,209162.

15. Donošenje Odluke o imenovanju Olivera Iljić na radno mjesto Viši stručni referent jednošalterskog sistema u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku
o imenovanju

Na radno mjesto „Viši stručni referent jednošalterskog sistema“ u Osnovnom sudu Brčko distrikta BiH imenuje se Olivera Iljić, kći Jove, iz Brčkog, diplomirani ekonomista.

Imenovana je dužna stupiti na dužnost dana 06.03.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Stupanjem na rad imenovani se svrstava u VII (sedmi) platni razred, 6 (šesti) podrazred, koeficijent 2,567748.

16. Donošenje Odluke o prestanku radnog odnosa službenika Olivera Iljić, operateru-upisničaru predmeta registracije poslovnih subjekata u Osnovnom sudu Brčko distrikta Bosne i Hercegovine

Nakon obrazloženja, Komisija je jednoglasno donijela sljedeće

Rješenje

Oliveri Iljić, operateru-upisničaru predmeta registracije poslovnih subjekata u Osnovnom sudu Brčko distrikta BiH, prestaje radni odnos po sili zakona zaključno sa 05.03.2023. godine, zbog imenovanja na drugu dužnost.

17. Donošenje Odluke o imenovanju Dajane Grgić na radno mjesto Viši stručni referent jednošalterskog sistema u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku o imenovanju

Na radno mjesto „Viši stručni referent jednošalterskog sistema“ u Osnovnom sudu Brčko distrikta BiH imenuje se Dajana Grgić, kći Nike, iz Brčkog, Bachelor prava. Imenovana je dužna stupiti na dužnost dana 16.03.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH. Stupanjem na rad imenovani se svrstava u VII (sedmi) platni razred, 6 (šesti) podrazred, koeficijent 2,567748.

18. Donošenje Odluke o imenovanju Milana Stokića na radno mjesto referent-operater-asistent u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku o imenovanju

Na radno mjesto „Referent-operater-asistent“ u Osnovnom sudu Brčko distrikta BiH imenuje se Milan Stokić, sin Ranka, iz Brčkog. Imenovani je dužan stupiti na dužnost dana 06.03.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH. Stupanjem na rad imenovani se svrstava u V (peti) platni razred, 5 (peti) podrazred, koeficijent 1,543321.

19. Donošenje Odluke o imenovanju Semrine Hasanović na radno mjesto referent-operater-asistent u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeću

Odluku o imenovanju

Na radno mjesto „Referent-operater-asistent“ u Osnovnom sudu Brčko distrikta BiH imenuje se Semrina Hasanović, kći Halida, iz Brčkog. Imenovana je dužna stupiti na dužnost dana 06.03.2023. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH. Stupanjem na rad imenovani se svrstava u V (peti) platni razred, 5 (peti) podrazred, koeficijent 1,543321.

20. Zaključivanje ugovora o radu sa Šeilom Brković, higijeničarom u Pravosudnoj komisiji Brčko distrikta BiH

Nakon obrazloženja, Komisija jednoglasno donosi odluku o zaključivanju

UGOVOR O RADU na neodređeno vrijeme sa punim radnim vremenom

sklopljen između: Pravosudne komisije Brčko distrikta BiH, koju zastupa predsjednik Komisije Safet Pizović, i namještenika Šeile Brković, kćerke Suada, iz Brčkog, Omladinska broj 34. Imenovana je dužna je stupiti u rad dana 06.03.2023. godine.

21. Zaključivanje ugovora o radu sa Selmom Šabanović, higijeničarom u Pravosudnoj komisiji Brčko distrikta BiH

Nakon obrazloženja, Komisija jednoglasno donosi odluku o zaključivanju

UGOVOR O RADU na neodređeno vrijeme sa punim radnim vremenom

sklopljen između: Pravosudne komisije Brčko distrikta BiH, koju zastupa predsjednik Komisije Safet Pizović, i namještenika Selme Šabanović, kćerke Huseina, iz Brčkog, A. Hantalaševića br. 16. Imenovana je dužna je stupiti u rad dana 06.03.2023. godine.

22. Donošenje Odluke o prestanku radnog odnosa Olji Klašnić, pripravniku u Tužilaštvu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Olja Klašnić, pripravnik u Tužilaštvu Brčko distrikta BiH, prestaje radni odnos zasnovan na određeno vrijeme radi obavljanja pripravničkog staža, radi isteka roka za obavljanje pripravničkog staža.

Radni odnos prestaje zaključno sa danom 15.03.2023. godine.

23. Rang lista sa preporukom za izbor referenta-operatera-asistenta u Osnovnom sudu Brčko distrikta BiH

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Dajane Kalajdžić, nakon provedene procedure za izbor „Referent-operater-asistenta“ u Osnovnom sudu Brčko distrikta BiH.

24. Rang lista sa preporukom za izbor predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Ilije Jovanovića, nakon provedene procedure za izbor „predsjednika Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH“.

25. Donošenje Odluke o broju volontera koji se primaju u pravosudne institucije Brčko distrikta BiH u 2023. godini

Nakon obrazloženja, Komisija je jednoglasno donijela sljedeću

Odluku

o broju volontera koji se primaju u pravosudne institucije Brčko distrikta BiH u 2023. godini

Član 1.

Na prijedlog rukovodilaca pravosudnih institucija, a u skladu sa odobrenim budžetskim sredstvima, utvrđuje se da će se do kraja 2023. godine, izvršiti prijem 7 (sedam) diplomiranih pravnika u svojstvu volontera u pravosudne institucije Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Član 2.

Broj volontera koji će se do kraja 2023. godine, primiti u pravosudne institucije, utvrđuje se kako slijedi:

1. Osnovni sud Brčko distrikta BiH – 6 (šest) volontera,
2. Pravobranilaštvo Brčko distrikta BiH – 1 (jedan) volonter.

Član 3.

Primljeni volonteri će tokom obavljanja volonterskog rada imati prava u skladu sa relevantnim zakonima, podzakonskim aktima i Ugovorom o volonterskom radu koji će zaključiti sa Pravosudnom komisijom.

Član 4.

Uslovi i način prijema volontera iz člana 2. ove odluke, utvrdiće se javnim pozivom, koji će raspisati Pravosudna komisija Brčko distrikta BiH, a koji će biti objavljen na internet stranici Pravosudne komisije Brčko distrikta BiH i oglasnim tablama pravosudnih institucija.

Član 5.

Ova odluka stupa na snagu danom donošenja.

26. Javni poziv za prijem volontera u pravosudne institucije Brčko distrikta BiH

Nakon obrazloženja, Komisija raspisuje

Javni poziv za prijem volontera u pravosudne institucije Brčko distrikta BiH

1. Osnovni sud Brčko distrikta BiH 6 (šest) volontera

Javni poziv se raspisuje za prijem 6 (šest) diplomiranih pravnika u svojstvu volontera u Osnovni sud Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Prijave na javni poziv podnose se od 06.03.2023. godine do 20.03.2023. godine.

27. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja, Komisija je jednoglasno donijela sljedeću

Odluku o raspisivanju Javnog konkursa
za popunjavanje upražnjenih radnih mjesta u pravosuđu Brčko distrikta BiH

1. Sudijski pripravnik u Osnovnom sudu Brčko distrikta BiH, (na određeno vrijeme, do sticanja uslova za polaganje pravosudnog ispita, a najduže dvije godine)
..... 1 (jedan) izvršilac.

Prijave na konkurs podnose se od 06.03.2023. godine do 20.03.2023. godine.

28. Razmatranje dopisa VSTV-a BiH, broj: 06-07-2-222-3/2023 od 22.02.2023. godine

Nakon obrazloženja i provedene diskusije, Komisija je jednoglasno saglasna sa prijedlogom glavnog tužioca za smanjenjem broja tužilačkih pozicija u Tužilaštvu Brčko distrikta BiH.

29. Donošenje Odluke o isplati naknade Disciplinskoj komisiji za rad u mjesecu januaru

Nakon obrazloženja, Komisija je jednoglasno donijela sljedeću

Odluku o isplati naknade Disciplinskoj komisiji
za provođenje disciplinskih postupaka protiv službenika i namještenika u pravosuđu Brčko
distrikta BiH za mjesec januar 2023. godine

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200- Naknade troškova zaposlenih, izvrši isplatu naknade za rad:

- Danijeli Vilotić, predsjednici Disciplinske komisije, iznos od 428,75 KM,
- Smajili Kikić, članu Disciplinske komisije, iznos od 428,75 KM,
- Marini Blažević, članu Disciplinske komisije, iznos od 428,75 KM,
- Nataši Kovač, zapisničaru Disciplinske komisije, iznos od 85,75 KM i
- Radetu Mitroviću, zapisničaru Disciplinske komisije, iznos od 85,75 KM.

30. Donošenje Odluke o isplati naknade Disciplinskom tužiocu za rad u mjesecu januaru

Nakon obrazloženja, Komisija je jednoglasno donijela sljedeću

Odluku o isplati naknade
Disciplinskom tužiocu za mjesec januar

Nalaže se finansijskoj službi Pravosudne komisije Brčko distrikta BiH da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200- Naknade troškova zaposlenika, izvrši isplatu naknade za rad Dejanu Đuroviću, disciplinskom tužiocu u iznosu od 285,83 KM.

31. Molba za pomilovanje osuđenog O. S.

Nakon obrazloženja, Komisija jednoglasno daje prijedlog gradonačelniku Brčko distrikta BiH da se osuđeni O. S. ne pomiluje.

32. R a z n o

Kako se više niko nije javio za riječ, 244. redovna sjednica završena je u 10 sati i 31 minut.

**Zapisnik vodila
Nataša Kovač**

**Predsjednik
Pravosudne komisije**

Safet Pizović

